

經部

Ok.) must Listen 欽定四庫全書 大宰之職掌建邦之六典以佐王治邦國 冢宰東之以為常經六官守之以為常灋也佐 助也 周禮全經釋原卷二 釋日大宰天官之長也職所掌之事也建立也邦指 王畿言典常也經也六典治教禮刑政事也此六者 天官上 周禮全經釋原 明 柯尚遷 撰

到方四周 至書 者所恃以立國乎故於六官及司樂大史朝士言之 宰宰夫言之也建邦也者國於天地必有與立其王, 充周者一之為也判以治教禮刑政事綱舉目張係 原曰職也者其所主制以統聚官乎故獨於大宰小 治者理之也邦國通言王畿侯國也 也六典者一分而為六也天下之治渾淪粹益和氣 物太宰佐王建六以為常濟愈分則愈理愈析則愈 不紊則爆然各有其所矣故天子主一以代天理

安邦國以教官府以擾萬民三曰禮典以和邦國以 民五日刑典以結邦國以刑百官以斜萬民六日事典 百官以諸萬民四曰政典以平邦國以正百官以均萬 以富邦國以任百官以生萬民 密在得人而任之故曰治邦國也邦國治則教養兒 釋曰治者經紀而統理之言治典者立為常灋家字 治王徳周浹矣 曰治典以經邦國以治官府以紀萬民二曰教典以

た三日軍人計

周禮全經釋原

金好四屋台書 掌之經循治緣而係理其經緯也治謂臨制而整齊 **馴習之也謂振作與起使復其常性故治則使之就** 倫不叙而國危矣故教者所以安之官府亦言教者 謂立為常灋司徒主之安者上無教則百姓不親奏 民其極也三者舉而天下盡矣 就吾條理故曰紀是故邦國其主也官府其本也萬 之百官所居曰府紀理也萬民天下庶民也使民皆 百官萬務各有自然之道以處之故不可無教擾者 教者訓誨振作之

... 其分之謂平平則均矣均齊方正之謂均故整齊天 履其常也統百官者使之尊甲先後秋然有序也變 官府為百官者尊治教也諸和也司徒曰以五禮防 民偽而教之中以六樂平民情而教之和諸之謂也 故立為常灣宗伯掌之和邦國者使之各安其分各 如天教則如地 吾條理而教則使之向慕喜悦以安吾條理也治則 政者正也所以正人之不正者正則平矣物各當 禮者自然之秩序也無序則不和 同豐丘匹军原

**欽定匹庫全書** 齊其分其有不一者則政典以一之背教出禮違政 事也耕耨不失其時則倉廪充實財用足矣故曰富 詰問也隱而難知故推問以求其情顯而易見則直 司馬主之 **冠主之是故治典以立其本教典以掖其歸禮典以** 則入刑矣故刑典為後也 刑之耳斜猶察也戒也斜戒禁令是也立為常灋司 下脩飭百度使天下截然齊一政之事也立為常灋 刑者例也成也所以禁好隱刑暴亂也 老二、一人 事者民事土地田野之

אבוסושו לווב **轉教者成之也涵濡長養萬姓仰頼如地之無不持** 矣治者理之也主宰綱維百政由出如天之無不覆 常灋司空主之六典而至於刑盡矣生生之本在農 原日六典其盡天下之務矣乎故六典立而治道舉 也故以事典終馬民獲其養則治教禮刑有所施猶 使之治地以定其業所以生之也以治地之事立為 百官之設以為民故百職皆以此而任之分民九職 四時之冬所以立三時之本也 周禮全經釋原

金厅四月全書 載禮者節文之使神人各安其所政者正也正其不 物的芽於此也六典舉則一德成矣由邦國而官府 日和日平日詰日富所以統理之以官府言故曰治 而萬民三者所以盡天下也以邦國言故日經日安 正以振舉之也刑者齊一之如天有長養必有肅殺 日教日統日正日刑日任所以振舉之以萬民言故 紀日擾日諸日均日斜日生所以造化之此六者 弼成之也事者生之也立民生之本如天之冬萬

. Ja Danat Billa !! 治三日官聯以會官治四日官常以聽官治五日官成 日官計以弊邦治海古 以經邦治六日官灋以正邦治七日官刑以斜邦治八 以八邊治官府一日官屬以舉邦治二曰官職以辨邦 六卿之綱也 千萬世不易之常經邦國之治亂係馬百官之脩廢 由馬生民之休戚關馬冢宰之任其重如此所以為 釋日八者之灋皆朝廷所制之法度與百官守之者 周禮全經釋原

掌也 屬自牢夫鄉師肆師等以下共三百六十人也家幸 成禮事也官指官府而言那治則總官民也事有關 使有司存也其目見於小字 職大司徒之職六職之外不言之也辨者别而明之 士而言也府者總府史胥徒而言也屬即小宰之六 也治者經理之府者官所居之處益官者合卿大夫 八邊舉其綱小宰詳其目其實官府之灋皆小宰所 六官所治之事則謂之職主也如曰大字之 裁二 聯謂通職聯事以合

金斤匹山在書

官之常灋即小宰之六叔也聽者審察而考其實也 矣故官聯次之 官常者叙官之常灋始則命之位 相侵而任不專無官瞬以通之則大事五禮皆不舉 故官無屬則上下不相統而事不治職不辨則彼此 次則授之以職次則考其動情次則以事而制食次 則考其成功之要會又察之以情而施賞罰此為治 係衆官者則會衆聯事而合成之事即三禮之事也 官成即小军之八成有一定之成灋也經謂係理

Chilomat Little

周禮全經釋原

六

面方口屋 白書 官治 職其目見於士師之八成不在小宰者冢字統六官 之邊是也百官各循其邊則無侵官離局矣故曰正 行使人遵守如太宰正月垂治象之灋司徒垂教象 之曰官常者治凡百官也曰官成者治鄉遊之官也 也有官刑則人知警戒而不敢犯濟度故以此斜察 之書日制官刑做于有位是也 官灋者百官各有隨時斟酌奉行之灋有命令之 官刑者治官府之刑即司冠之官刑上能斜 計循察也弊循斷

NEDOWA DILL 官聯則脉絡貫通有官常則百官以治有官成則萬 官屬則治有統而不亂有官職則官有守而不侵有 宰既溥之以六典均之以八則尚無八灋則庶政不 民以察有官灋則變通自上而下守不移有官刑則 葉氏日官府所以板舉天下之事為治之本源也大 行而治灋不立矣故必以治官府繼六典也惟其有 即小宰之六計也 也以六者察羣吏之行能斷羣吏之治狀而賞罰之 周禮全經釋原

赏於三年之後是以百官正而朝廷正矣寧不為治 受會的王察置於一歲之終既而大計羣吏復行誅 羣吏致事又有以察之於終大宰則令百官各正治 灋而警之於始月終則以叙受羣吏之要成終則令 哉是以小宰正歲以官刑令於百官府仰各脩職考 治其目周公之詳於官府如此又安有曠官蘇事者 莫敢為非有官計則其不向善大字舉其網小字

**致** 厅四年全書

卷二

官三日奏置以取其吏四日禄位以取其士五日賦貢 RADDER MAIN VZ 以八則治都鄙一日祭祀以取其神二日灋則以取其 日 師 都五十里載師所謂縣量之地皆都也親王子母弟 取其用六日禮俗以取其民七日刑賞以取其威八 與公同處於大都次疏者與卿同處於小都次疏者 釋曰則亦憑也詳曰濟畧曰則都鄙在鄉遂之外載 田役以取其衆奉音 所謂公邑家邑皆鄙也大都百里次都七十里小 周禮全經釋原

與大夫同處於家邑所以使之朝夕沿事王朝而退 稷宗廟之别故三公稱諸侯者五廟五祀三社三稷 食於家收其貢賦立其宗廟社稷故賜則以治之也 祭祀則一方之思神皆主之矣 其族願黨禁州社無不與鄉遂同大夫士以此殺之 取猶馬之在取操縱之權自其君出也故使之立其 有官府則有八濟以治之天子八灋以治天下官府 都鄙之中外有封疆溝樹之固內有城郭市朝社 邊即則中之邊也

多与口母与書

悉二

ここうえ 黨之制則有德行道藝之書有與賢能之典則有禄 則能者在職之人士則賢者在位之選也有比問族 置之權也 殷輔之吏不虧則不勉不處則不懲故賜其君以察 諸侯八灋以治一國官府故都鄙之君必賜之灋則 位之命故賜其君以制禄授位之權以取其士也 上啟下為賦下奉上為貢賦者收之於民貢者奉之 以取其長貳之官也 有罪則廢之有行則置之吏 2111 禄田禄也位爵位也士上中下士也吏 周禮全經釋原

賞即進爵加禄刑以懲惡賞以勸善使都鄙之君操 其君得以卒伍之邊用其民而教其坐作進退之方 軍之遷起之田則大田役則工役皆用衆之方也使 冠喪祭飲射讀灋與六俗也使之頌五禮六俗之教 有以操財用出入之權而行經制之靈也 之則威行而莫敢不服矣 於王也用國用也既賜之都鄙則令之取其地之所 以取其民則教化行而風俗美矣 卷二 田役則用伍兩卒旅師 刑即八刑五刑 禮俗昏

多好四年全書

朝邦國都鄙之中者也故其權分先王以典邊則等 其權專都鄙在畿國之內者也故其權降官府在王 賜國則亦專此六典矣夫邦國在王畿之外者也故 原曰則也者治之濟也制於王者也故祭祀而下其 所以取其衆也 五命賜則是也六命賜官則得以專此八邊矣七命 不有一定之制通行天下而不可易矣而都鄙復有 八則以治之者蓋賜其君以八者操縱之權宗伯曰

KIND DIE MINIS

周禮全經釋原

富三日予以取其幸四日置以取其行五曰生以取其 金月口月有 福六日奪以馭其貧七日廢以馭其罪八日誅以馭其 以 行去聲與 八柄詔王馭羣臣一日爵以馭其贵二曰禄以馭其 則天下之大皆具於三者之中矣後世荒遠微職無 釋口柄者操持之名循器之有柄記告也八柄者天 不除授於冢宰無乃與先王公天下之意殊乎 之則遠近輕重之問斟酌損益毫釐不與尚能通之 老二

へた とういん 賢能可紀則進而置於其位也故子則不測之賞置 對言其不測也置謂進而置之於此出其等也行謂 者也相權在此爵內則公卿三大夫三士外則公侯 封爵是也幸者特恩之如親望所不及也故子與奪 子所以馭羣臣非人臣所可預惟家幸得以韶於王 君所司也故賦之所以取其富也子賜也特厚之稱 伯子男爵以授德有爵則貴矣自君出也故命之爵 所以取其贵禄田禄所以酬功也有禄則富矣田邑 2121- 1 周禮全經釋不

置對不賢不能以輕重而廢退之也與盡奪之者異矣 取其爵禄則無所有而貧矣是君使其貧也廢退也與 死得生福莫大馬是君子之也故曰以取其福奪者盡 以其有罪也誅殺也內史曰殺與生對過則罪之深也 共治之矣苟非操大權之柄以制其命何以見天王 原日王者以爵土分天下英賢度遠近制為典邊則 則循序之進不測之賞所以待異才異功循序之進所 以待常德常行生與殺對欲殺而不殺之是生之也不

多好匹库全書

太二

TO STORE MELLE 誅 也人之所深惡也惟王得以奪之是取之以罪過 典灋則皆不行矣故以次其後也夫貴也富也榮幸 治何也蓋八柄必詔之以大宰然後權之施得其當 之罰也夫誰不畏懼而慎的內史又有八枯以詔王 取之以不測之賞也夫誰不感戴而願忠貧也退也 下而八柄者制治之權下所以服乎上八柄一失則 大一統之治哉故典灋則者制治之經上所以布乎 也壽福也進秩也人之所大欲也惟王得以子之是 周禮全經釋原

日使能五日保庸六日尊貴七日達吏八日禮賓 寄二臣以品量之權此所謂天命天討非人所得而 殺子奪之柄取萬民者振其德行道藝之權而使之 私也 又記之以內史然後權之用不敢輕是以大宰內史 釋曰統循統治之統謂振舉之也取羣臣者制其生 八統詔王取萬民一日親親二日敬故三日進賢四 有品量之權而無生殺之柄天子操生殺之柄而必

新厅四届 全書

CONTRACT STATE 者使人各親其親以行孝弟之道又制為宗靈而使 制為交際問饋之禮使之厚親舊即六行之睦州也 之親睦九族則親疎之殺各得其當矣故謂故舊也 遷善敏德也必詔王者欲躬行於上以率之也親親 舉有道藝之人亦賓與之使之在職二者與賢舉能 之事庸有力於施教立事者功德在民則益其田禄 興德行之賢也使能謂使民與能入使治之命司徒 進賢謂使民與賢出使長之命司徒行舉選之邊寫 周禮全經釋原 <u>±</u>

銀牙四月台書 尊之也吏鄉遂之吏如問師縣師旅師司称之類有 原日民可教也亦可取也知所取之道而取之帝王之 旅也此取萬民而曰與賢使能尊貴達吏則王道只 使訝士遺人委人野盛豐其委積疏材以待賓客點 其役益其禄隆養老之禮使人致敬而莫敢慢所以 以保之貴謂卿大夫州長黨正之屬德行可尊者舍 在行鄉遂之法可見矣 功則加其禄秩以達之此三者鄉吏進秩之事禮賓

脩飭而德教行矣取以功則人莫敢不題事而功業 而應終牽繩連惟命是聽此取民之道數尚以智巧 則人莫敢不與行而綱常立矣取以德則人莫敢不 也保庸達吏取其功也尊貴禮賓取以禮也取以行 難數夫親親敬故取之以行也進賢使能取之以德 功可立致也書曰予臨兆民若朽索之取六馬不其 可與矣取以禮則人莫敢不相敬而風俗可美矣此 八者上以之維乎下下以之屬乎上感之而孚動之

九年四車全書

周禮全經釋原

盐

臣妾聚飲疏材九曰間民無常職轉移執事 化八材六日商賈阜通貨賄七日嬪婦化治終泉八日 日虞衛作山澤之材四日藪牧養蕃鳥獸五日百工飭 以九職任萬民一曰三農生九穀二日園圃氣草木三 籠之刑威逼之民始不可取矣此萬世治民之要濟 釋日職事也任使也民生至繁民事至多不以職分 也王道之本在此可不思乎 之使各歸其業則遊手必多矣故既取之必有職以

こうし シニー 掌之故總言虞衛作材今虞衡之徒衆是也數無水 耕之地凡民有資山林川澤以為生者皆虞衡之官 之掌山林之官日虞掌川澤之官日衡山澤雖非可 疏之屬載師所謂場周任園地其實國中四郊皆有 種也惟可種九穀乃為可食之地也以籬樊之日園 可種果統曰園其實一也领與育同猶生也草木果 任之也三農原隰平地之農天下皆三等之地故列 三等之農以為本九穀黍稷稻粱豆麥林於麻也生 周禮全經釋原

金安四年全書 貨日商居貨日賈卓盛也通流行也金玉日貨布帛 養鳥獸而已工專治之稱致力攻治謂之飭因形移 此有是地之所出無百工則不資民用矣故次之行 刻金日錢章日剥羽日析此化材也言百工則不止 易謂之化八材珠曰切象曰磋玉曰琢石曰磨水曰 日賄有百工作材無商賈以通之則貨滞矣故次之 近田者故可以益田之肥硫牧則曠遠之地持可蕃 之澤收即萊也不可為田宜收畜者故曰收大抵萊

ここり かんな 之征馬 無常職然所入亦不下於耕者故立其職使出夫家 必有女職故次之臣男之贱者妾女之賤者謂奴婢 也化治線練紡績之屬絲蚕絲也泉苧麻也有男職 嬪妻之貴者婦有姑者曲禮曰生曰妻死曰嬪美稱 之墨里者轉移於八職之間執事若今之產作者故 之屬聚級謂畜積之疏材如蕉葛之可布草根木實 之可食用者閒民無職事之稱益下户不能任一夫 周禮全經釋原 1

銀牙四月日書 業之而食力以資生者不過平地原隰皆可為田者 其所能不强其所不能任之謂也夫天下之地使民 與夫園圃可種菜站者山澤出村之處則有虞衡馬 原曰任民也者因其地而授之隨其力而使之不廢 何以致於用哉百工既作而用利矣尚無懋遷有無 矣故四職為民生之本也尚無百工則地雖有生民 湖海曠遠之所則有數收馬天下之地不過此數者 而已食土之毛孰非君民無曠土無遊民則天下治

スペンコラ かたう 者為疏材皆分之以宅地者有布縷之征馬職可以 嬪婦馬而終泉者土地之所出也況嬪婦又有業者 馬此二職者又所以運用乎地之所生民之所業者 也民職盡於此矣然男服事乎外女服事乎內又有 馬民亦未見其獲利以資生也又有商買以年通之 不列乎聞民不能受地則轉移於衆職之問而衆職 之室家乎贵者為嬪婦賤者為臣妄精者為緣泉粗 須閉民以助不給所以列其職者不可使有遺民! 月禮全經釋原

甸之賦四曰家削之賦五曰邦縣之賦六曰邦都之賦 以九賦飲財賄一日邦中之賦二曰四郊之賦三日邦 量而裁成其道輔相其宜者乎 密幽隱畢達萬生点類咸在甄陶之中包天地以為 也故九職分則民業定矣民業一定志慮不易風俗 **均此也故觀九職之立則知周公之於天下徧布** 自浮美財用自充足萬物各得其所矣大司徒之 小司徒之施職載師之均地職皆領此也施此 頒 周 也

多分匹犀百書

7

七日關市之賦八日山澤之賦九日幣餘之賦 田 國門之外近郊五十里遠郊百里益鄉遂之地載師 也國宅無征園壓二十而一此其出賦之制也四郊 國門之内戴師歷里任國中場園任園地邦中之地 以九職任之乃以九賦取之載師問師徵之耳形 釋日上取於下日賦飲聚也金寶日財布帛日賄既 以宅田士田賈田任近郊之地以官田牛田賞田牧 任遠郊之地此出賦之田也又曰近郊十一遠郊

た日日年上野

周禮全經釋原

金号正正 台電 自邦甸至邦都皆都鄙之地其制準鄉遂而殺之其 家削去國中三百里載師曰以家邑之田任 中五百里載師曰以大都之田任事地乃王子母弟 夫之永邑在馬故曰家縣地去國中四百里戴師 之親者與三公受百里之都為采地比於外諸侯也 小都之田任縣地乃王子與卿大夫之采地都去國 曰以公邑之田任甸地其賦皆無過十二也削作 二十而三此出賦之額也甸地去國中二百里載師 一稍地大 と

貢其物者比也按先儒以九功為九職之貢則虞衡 衛之賦也問師日任虞以山事貢其物任衛以澤事 貨之出入市以在貨之藏積市關皆有賦也山澤虞 門外警急處為關城內有市都鄙亦有關市關以征 大府乃分為九功以其所入為布縷之征故也王城 有里皆在郊甸縣都之中也二征九賦未當别馬至 為賦或以其物其布緣之征則自歷里取之有田必 出賦亦如四郊但助灋則栗米之征貢濟則取其泉 į. <u>.</u> 周禮全經釋原 九九

欽定匹庫全書 原曰貢賦之不明也久矣上取乎下曰賦下奉乎上 用 數次既在九職矣又何以山澤在九賦也可見九職 曰貢其實一也上文以九職任之此以九賦取之載 之中也明矣幣餘者職幣以式濟飲官府都鄙與凡 之虞衡以任之九賦之山澤以取之九功亦在九賦 邦 等其則而徵其賦固所以為九賦也問師任其職 列之職幣納之也 財者之幣振掌事者之餘財皆納之於上故九 卷二

米之征公田賦禄之外以貢遷取之載師等其則問 責其貢亦所以為九賦也故賦一也其類有二有栗 之地也故合之而分為貨與賄大府以其所入有貨 之嬪婦臣妾所出以其布帛之賄貢於天子大府名 師飲其財以貢天子大府名之曰九賦雖九職所出 之布縷之征亦正賦也大宰以其所出同郊甸縣都 之口九功雖有無職與宅不毛者所出不同然皆謂 不同然皆謂之栗米之征正賦也布縷之征乃七職

ここり こここ 月禮全紅釋原

金月四月台書 與賄之異其類也故分之而名為九功以九職之功 國 其民矣孟子曰有布縷之征有栗米之征有力役之 君非其君矣外九職以治生則為浮巧逐末而民 同 也是故天下之民不同也不外子九職天下之職不 國之所飲者貢於天子賦之名變而為貢耳非有二 也故九賦九功皆一賦也無所謂九職之貢矣若 也不出乎三征出三征以 取民之制無不同於王畿王制大同故也但以 取賦則為暴在横飲 其 侯 而

三九三日日 八十二 式七日蜀秣之式八日匪領之式九日好用之式好去 喪荒之式四日羞服之式五日工事之式六日幣帛之 以九式均節財用一曰祭祀之式二曰賓客之式三曰 豐殺宗伯致其用大宰定其式大府 日邦都之賦以 家宰制國用九式其制之濟乎祭祀謂玉帛牲松之 釋曰式謂用財之成邊均者使適中節者無濫費也 佐之才深明先王之灋者也 征君子用其一緩其二以周禮及之然後知孟子王 月禮全經釋原

金岁世是台書 待祭祀諸侯為獨其臣為客式謂燕饗字録之等差 客贈送之幣與吉古之禮所用者大府曰邦縣之賦 關市之賦以待王之膳服工事百工之事謂營造制 含發贈真之禮荒有賙邱販貸之貴大府日山澤之 大行人主之大府曰那中之賦以待賓客喪有罪 則工事只九式之一耳豈司空職哉幣帛謂迎勞賞 器凡工作之事皆是也大府曰邪甸之賦以待工事 以待喪紀羞膳夫所用也服司服所用也大府曰 膊

足聖人所以仁其民也由其均節以立制度則繼 有餘則國有古荒之變九者之大禮不取於下而 曰財用而必均節之者有二義馬由其均節而財 臣之見及有曲賜大府日幣餘之賦以待賜子劉氏 用者因其所好而用之婚媾之好宗室之親諸侯奉 郊之賦以待稍秣匪分也頒賜也王所頒賜羣臣或 以在勞或以與善也大府曰家稍之賦以待匪領好 以待幣帛草曰舄數曰秣所以養牛馬也大府曰四 自 用

· 於定四車全書

周禮全經釋原

灋領之司會以式灋逆計之職歲又以式灋而赘逆 通用有司不敢違式灋而妄供私心以式灋而碍侈 天下紀綱國家辟之治家豈不以財用為先此所 禁氏日九式之立豈但以制侈用之原亦所以均 會職幣又以式邊而替會事則人主不得違式邊而 之主不敢喻而公侯伯子男因之而隆殺有差則天 下知所以節用而爱民也聖人所以制九式者如 九賦之後也夫惟大宰有式灋以均之大府以式 調 此 レス

以九貢致邦國之用一曰祀貢二曰嬪貢三曰器貢四 日幣貢五日材貢六日貨貢七日服貢八日好貢九日 物貢 一天之口上 全馬 心以式灋而消九式真理財之大道敷 泉之屬器貢如銀鐵石磬丹漆之屬幣貢玉馬皮帛 釋曰下供上曰貢致者使之自至用者適於用而已 不求珍異之物也犯貢如機胜也芽之屬嬪貢如終 之屬材貢純幹枯柘篠荡之屬貨貢金玉龜貝之屬 周禮全經釋原

金万口匠人言 貢服貢乃幣帛膳服實客也器貢材貢物貢乃工事 貢於王即分為九等以入九式犯貢祭祀也續貢幣 原曰大行人侯服貢祀物至要服貢貨物六服六貢 九贡灰多九賊及少矣 地為類而供九式之用侯國取賦之制亦如王畿既 物貢九州雜産之物 服 林丧荒也貨貢好貢非匪頒好用乎是大府所 貢絲等絲麻之屬好貢珠機眼环可共燕游之物 夫貢賦一也王畿九賦以 其

勢幣之禮非九貢之物也小行人曰令諸侯春入貢 國中之用也按司空建國有五百至百里之差而 貢是也蓋侯國公田之栗既為卿大夫之禄矣地賦 矣此制貢各以其所有也視大宰之九貢而闕其三 秋獻功是天下諸侯每歲遣臣納貢之禮大宰之九 之取必以貢王故賦之名變而為貢然後以其餘為 乎日六服六貢是等其遠近定諸侯間歲朝覲廟事 其為物至微也然則九貢者豈諸侯之貢各有九物

たとの目とかう

周禮全經釋原

金少臣屋有量 亦可以見九賦之飲財賄者不出九物之內而侯 之取賦亦不外於郊甸縣都互相備也若天子富 為九賦九功侯國則直指所貢之物配為九式之用 地三之一食其常制也但王畿之賦以栗米布縷分 臣是大國百里七十里小國五十里與都家采地賞 其食者四之一三之一二之一耳此無其屬國而言 也司勲曰凡領賞地三之一食謂王食其一二入於 海而諸侯乃令其以遠近間歲而貢其至微薄 卷二 國

た色四年公野 民九日數以富得民警音計長 民六日主以利得民七日吏以治得民八日友以任得 民三曰師以賢得民四曰儒以道得民五曰宗以族得 バ 不海散也上既有八統取民此又有九兩繫之者蓋 釋曰兩猶耦也繁猶級也所以協合萬民使聯級 九两繁邦國之民一日牧以地得民二曰長以贵得 無怪子秦之欲郡縣天下也 物且又應其自來而不强其至豈富有四海之意即 周禮全經釋原 一十五

金がプロゴノコー 事生利而教誨之以有地之故也五等皆民收故曰 皆我民民安則已受利國傷則家嬰禍莫不盡心民 統者上以其邊而收束之兩者使下之心協合於上 以地得民非止九州牧也首言得民在行封建以為 雖收伯亦有分土惟其有爵土也必思國為已土衆 土牧民之臣在位之職也古者列爵惟五分土惟三 九兩行則民心協合自親戴於我不離叛矣 長者鄉遂之長亦在位之人也自族師至鄉 妆有

ていりか かい 貴得民乎行封建必行鄉遂故次之 有學者詩書禮樂之無備先王之道賴之以明所謂 德以達其材者也上能隆禮而尊崇之必成就賢才 進之以大夫士之位其宮室衣服禮儀各有等級齊 而學業富足為人之模楷又能教導引異成學者之 大夫自鄭長至遂大夫皆民之長也有徳行道藝而 以需國用而德化成矣非以賢得民子 儒謂有道 民不得齒馬則人莫不脩德學道以聽旌舉矣非以 周禮全經釋原 師者徳行高

教儒以道然為師者未必不為儒為儒者亦有不為 向慕也師者库序學校之師有道德能成就人才者 職乎教固有師道然以長目之則以品秩之崇使人 師皆足以得民故先王之時亦必别之 位在職與齊民但有能明斯道者皆謂之儒雖即以 非鄉遂之長也儒謂明先王之道以覺人蓋不論在 而孝弟忠信之俗與矣非以道得民乎夫鄉遂之長 天民之先覺者足為後覺之師資則人皆邁道遵路 宗宗灋也

**到厅四届全書** 

巻二

人下口目 公司 言之故曰贵曰利以别之其實皆鄉遂之長也 尊則益其田禄而家愈大衣食豐足是以利得民也 弟言之即族黨州鄉之長得以合子弟畜臣妄位愈 上言長以品位禮儀言之此言主以田禄子弟臣妾 行矣非以族得民乎 於鄉邊之中使之尊尊而親親則九族傳叙孝弟化 民莫不有宗有族公劉立國必君之宗之乃宗灋行 族九族也小史辨系世真昭穆公卿大夫士至於齊 周禮全經釋原 主者一家之主自其臣妾子

者如野人以耕農相任童知以習學相任君子以脩 德學道相任皆得民者也夫子老安少懷而中於朋 知主吏之說也 力相勘亦曰任友者同等之稱貴賤長少皆有同輩 有益於民而民心悦之則得民矣故知賢能之分則 友信天下之民齊等者多皆能以信相任則天下治 治鄉遂都鄙之民事鄉遂庶職是也是其與利除害 治事之吏能者在職之人也有才藝者使民與之以 以類相求曰友以德相信曰任以

金月正在 台書

原日大宰以九兩終治典者得無意乎夫民難合而 道不出於鄉遂之灋也可見矣 莫不欲富聖王馬之而不因欲得民者終不離乎富 之而後数也故觀九兩之立則先王所以治天下之 則民富矣必以嵌終之者有恒産而後有恒心人情 魚鹽材水民生不可一日闕者處之有灋而公其利 下獨多可以無山故不言山而言數也山澤之實藏 **數澤數山澤皆有虞衡不言山者江河湖海天** 

大臣四日公司

周禮全經釋原

金罗巴屋白書 當又作與而鼓舞之則自然相安相養相遜相親爱 之如父母歸之如流水雖有變故之死靡他矣故周 澤足以養其身决非一人名位所得而留也此非 以道宗以族友以任皆足以繁民之心而吾處得其 而吾任得其人使脩的而振舉之長以貴師以賢儒 易睽撫我則后虐我則警尚非德義足以結其心利 公晝夜思無作大宰十章其經制天下罔不備矣而 妆以地主以利吏以治數以富皆足以養民之身 有

ていりま かい 調乎 之間惟在於教養萬舉以仁心而行仁政而已孟子 終之以此正以見為上者欲得民不在於區區變度 日徒善不足以為政徒灋不能以自行九兩繁民之 理不過使天地萬物各得其所而已其要皆備於 得過記得此又遗彼以愚觀之天下之大各有條 張子曰大宰一職難者蓋無胸襟如許之大包表 按大宰十章周禮之綱也治天下之道舉備于此 周禮全經釋原 芜

正月之吉始和布治于邦國都鄙乃縣治泉之灋于泉 不出此三者而已大學傳平天下曰好惡絜矩者 民之道也九賦九式九貢理財之道也天下之大 吾心今觀典濅則八柄與下文施之之灋雖立天 授致用之要術豈出於周禮之外哉 大宰治民之道也用人理財各有大道者亦大宰 下之大本然不過用人之道也八統九職九兩治 二端盡之中庸之九經亦不出此是知孔門之傳

多方匹母在書

炭二

魏使萬民觀治象挾日而飲之立挾音決 音 プロマー シュー 代不同紀月以正四時則三代一揆商書曰惟元 月也春秋書春王正月則純用夏正以紀年不以改 十有二月元祀則改歲以紀年也十有二月是不改 則建子月朔也歲終則建亥月終也大抵改歲則三 丑周建子所以新民耳目終始萬事也後凡言正歲 始布也夏正紀月三代选用惟改歲則夏建寅商建 釋曰正月孟春之月吉朔日也始和建寅之候陽和 問禮全經釋原 主 祀

旬日也飲收也鄉遂之民十日而觀可遍矣邦國都 歲繫月也故周公獨言始和可知矣孔子告顏淵曰 下矣皆令正月縣之此成周頌濟頌朔之制也丘氏 也以今年所行治典之條章畫之於板象縣於维門 布頒布也治治典邦國都鄙無王畿侯國言之縣掛 行夏之時正春秋之灋示後世不宜以改歲紀年也 兩觀之間使有司萬民觀而灋之體而行之也淡日 則正歲十一月朔既頒行之至於正月則遍於天

多 厅 四 库 全書

卷二:

ころの日の かたア 道人以水鐸徇之不但已也使鄉遂之中鄉大夫正 其觀聽之詳收之於決自之後恐其習讀之玩又使 示乎近正月皆縣之以示乎遠遲之以十日之期欲 觸罪有愧於作民君師之責是以正歲既布治邊以 王未嘗以灣令刑罰而强民以必從也惟恐其以愚 禁氏曰聖王縣濟泉魏其爱民深而教之至乎盖聖 之灋縣之有象於上為萬民所瞻仰也 日治象者天垂象聖人則之故闕曰象魏灋日治象 周禮全經釋原

金月四日子書 乃施典於邦國而建其牧立其監設其參傅其伍陳其 弟耳提面命丁寧告戒惟恐不至果不可即然後不 **灋黨正又以孟月及正歲與夫春秋祭酺之時讀灋** 仁壽之城孔子曰道之以德齊之以禮比之謂也 得已以刑一之正所謂王者之道涵濡煦育納之於 數保民於無疆者其数思亦無窮真如父兄之於子 月頌濟州長正歲正月與夫春秋祭社之時屬民讀 師又以歲時聚衆之時讀灋益視民彌親者沒彌

少年四車全書 人 殷置其輔南反傳音附 使大夫三人為三監至周使伯為收不立大夫設參 子男各監一國愚謂諸侯各治其屬國即方伯連帥 官也此典灋則皆自建官言之建立也收者宗伯曰 而謂之監也大功德升為州牧則稱伯馬殷制天子 釋曰典六典也施典於邦國侯國得以依六典而建 九州之長入天子之國曰牧是也監鄭氏曰公侯伯 八命作牧每州各設牧伯以司其州之諸侯曲禮曰 周禮全經釋原

其上之三分輔佐助也助成官府之事府史胥徒是 孟子為司空則諸侯三卿之制可見王制曰大國三 旅下士也王制諸侯上士二十七人中士下士各居 大夫中當其下下當其元士殷衆也謂衆士猶六官 國高是已伍五大夫也傅附也諸侯之卿當天子之 卿二卿命於天子一卿命於其君如齊有天子二守 司鬼於司空左傳杜洩云吾子為司徒夫子為司馬 卿也六典三卿者并大宰於司徒并宗伯於司馬并 TOTALO UNIT PARTY 輔 乃施則于都鄙而建其長立其两設其伍陳其殷置其 皆建字之義也 子使之治其采己者也伍下大夫五人也殷輔則視 色之主或身在王朝而食其賦稅也兩謂兩大夫天 釋曰則八則也典分國事而為六則又分邑事而為 也濟立矣乃建官以行之曰立曰設曰傅曰陳曰置 八則者典之目長謂王子公卿大夫所食之采地為 周禮全經釋原 重

到 5四月在書 輔 乃施寧于官府而建其正立其貳設其及陳其殷置其 釋曰邊八邊也凡官府皆有正如大字司徒是也貳 邦國而殺之 也佐成事者乃屬之首如宰夫鄉遂師肆師士師是 如小宰小司徒皆中大夫二人主治一官之事改成 士皆謂之殷惟六官下士稱旅也輔則府史胥徒也 也般則上中下士所謂其屬六十人是也凡官府之

典則之輔皆同凡百官府皆有長或殷輔無是則非 官府矣 存乎權故邦國都鄙官府立而天下之大舉矣六典 人心極天下之公而明孰能運天下如此其周且要 及伍孜殷輔設而舉政之人備矣天下之大聖人以 原日制而用之存乎法推而行之存乎人變而通之 三者之權等之則大小高甲繁簡各得其平矣非 八則八灋制而政之大綱立矣牧監長正與參兩意

TANDING VI SAIN

周禮全經釋原

玉

哉夫德侔天地者為天子六德為諸侯三德為大夫 矣必有邱阜岡巒輔之而后成其大天子必有公侯 累之而后至於高未有空中特然獨高之理泰山高 日四海一統也天下一人也以天下之權盡收一已 之以大小不齊之權大者治要小者治繁聖人固不 下至於鄉遂之官莫不各以其德而制其位又各與 以專命之權固無不可矣然天下之高者必自下積 四海之事盡屬王朝而天下公侯大夫俱不與之

多分口后 台灣

ころの日間 かかっ 侯比也既與之地為都鄙之君乃賜以八則之權得 之所以不可不均也故王朝有六典矣而諸侯亦有六 民事皆同故侯國不得不施六典也六典雖施三卿 典非偕也天子六典有六卿諸侯六典只三卿天下 權以授之然後各得其職尚不與之權徒以空名崇 之下其官皆得自置故曰六命賜官而大夫則非諸 之無乃非聖人以天下才治天下事之公心乎此權 **卿大夫師長而后成其尊有公侯大夫師長矣必有** 周禮全經釋原 麦

一多页四月 台書 之治以官成待萬民之治以禮待賓客之治 凡治以典待邦國之治以則待都鄙之治以寧待官府 選授於王朝無乃非先王均權之意數 舉天下之權皆收於一人萬里之外一命之官無不 權而賜典賜則絕無馬是非聖人公天下之心也故 吏則在職之人其權各有差等矣後世獨有官府之 釋曰上言行演之本此言用演之要聖人以天下之 以禄位點陟其臣民也故曰五命賜則至於官府之

大臣四重と時 言之禮治合於道則為禮又所以秩序和平典濟則者 又其本也待賓客之治者有典則則必有交際有交 國都鄙皆有官府則又典則之本也官成雖在八臺 事無所據依而眩此聖人制作之功也故守成之君 之中官皆為民而立又八藻之本也故特言之禮統 何為哉亦守先王之灋而已以灋待官府之治者邦 待事之至而已固不得作聰明以亂舊章亦不至臨 事盡於典邊則也故建官以行之亦惟循守成邊以

**周禮全經釋原** 

一年 でんとう 制於上次則諸侯也又次則都鄙之君也而王朝邦 哉不有成濟以待之日亦不足矣故天子以一人主 國都鄙又皆設官府以總理之故立為典灋則以經 之則天下事統之有綱也會之有紀也治灋立矣擇 原曰天下之人衆矣其務繁矣豈一手足所能運動 際則必有禮禮無所不在待賓客特其治之一耳 之未當作聰明以亂成憲所謂無偏無黨王道湯湯 人而任之矣大宰清心無為候事之至各舉舊章應

者也可以見制作之功矣然官為民而立也尚於民 轉其才智强力而可以壓服乎天下也 事不有成濟以理之恤其饑寒救其疾者礖其思爱 正無有偏而不舉之處矣此皆出於自然之理固非 飲煎之禮則禮樂刑政四達不恃四方上下均齊方 之中外不無賓客之往來也又制為邦交聘問食餐 而徒以刑灋把持之烏在其為君也又有八成之灋 以待之然典灋則與官成固所以整齊於尊甲分守

Util Dated Listin

用禮全經釋原

**国** 京四年全書 祀五帝則掌百官之誓戒與其具脩前期十日即執事 而十日遂戒及執事脈滌濯及納事賛王推事及祀之 日賛王幣爵之事版典視同後做此際 郊祭有分祀有合祀總言祀五帝者合祀也後言於 釋曰上言大宰正職此至赞王命言大宰聯職聯者 合諸職共行五禮之事也其目見小宰諸職皆有聯 上帝者分祀也程子曰帝者氣之主也有五方五色 之異謂之五帝宗伯言昊天上帝者又合而言之非 悬二

ていける という 宗伯宿眠之大宰及執事然後視之此省器之事約 事及執事既滌濯者當嚮祭之晨執事滌溉祭器大 掌百官之誓戒具脩誓戒令也戒奪戒也具謂備具 司執祭之事者大宰大宗伯太史帥之而卜日得吉 性帛牢體之品脩謂酒掃嚴潔之事此致蠲也前期 五帝之外又有昊天上帝也祀帝禮之首也故大宰 則與大司惡沿戒誓之犯誓則施刑此十日致戒之 十日散齊七日致齊三日也帥執事十日凡百官有 周禮全經釋原 투스

則戒于百官賛王命下两 會同賛玉幣玉獻玉几玉爵大喪赞贈玉含玉作大事 祀大神示亦如之享先王亦如之賛玉几玉爵大朝親 賛王行祭獻禮之事郊祀之儀亦 見於此矣 亨人謂之納亨此省姓之事及祀之日旦明也玉幣 亨謂約姓將告殺君親牽牲大宰賛助之既殺以授 所以禮神玉爵所以獻齊酒執以從王至而授之此 釋曰祀大神示謂旅上帝祭地示也亦如之太牢之

**多定匹庫全書** 

老二

禮諸侯之郎爵王朝諸侯立依前南面禮之於阼階 獻也玉几王所依者立而設之所以優尊者玉爵王 幣諸侯所以享天子行人云廟中三享是也玉獻諸 侯所以獻國珍幣與貢皆合之以玉故謂之玉幣玉 會同或言大者五服皆朝之歲朝者衆故謂之大玉 宗伯春見日朝秋見日觀時見日會殷見日同朝朝 爵所以獻神皆大宰賛之天神地示人鬼之禮見大 禮皆如郊祀享先王宗廟六享也玉几所以依神玉

CEDIE ALLO

問禮全經釋原

待大宰之赞助以一人而處上下之間其任可謂重 原曰大宰天子之相臣故其禮亦天子之相禮也上 禮是也大宰尊故不别言只戒百官賛王命而已他 始崩之時亦助嗣王為之作大事若軍旅田役及嘉 先王行於既空之後含玉天子崩以玉含口中行於 相天子下臨百官故百官必聽太宰之誓戒天子必 上賛者助王授之此四者皆大宰為之贈玉所以送 則備言六群五禮也

金岁世是石量

死軍四事 在馬 王既治朝則賛聽治版四方之聽朝亦如之凡邦之小 治則冢宰聴之待四方賓客之小治 侯於方岳以及制度冢宰亦賛聴朝大政事大典禮 在路門之外天子日朝羣臣聽政之朝也家宰賛聽 釋曰此言大宰赞王出治之事脈朝謂臨朝也治朝 首身任天下之重故不觀其禮何以知其職之尊哉 矣故六聯五禮皆誓戒百官賛助王命巍然百僚之 治助王平斷國事也四方聽朝謂王巡符四方朝諸 周禮全經釋原

金グロルと 章一人之體也大治與聞助王所不及小治不以 原日於黃禮可以見大宰之職尊於養政愈可以見 其職自治之庶僚之體也治各有體觀此則君相 職可知矣 不煩王冢宰自决之 王恭已南面大治與宰臣平 王者百揆之體也上奉王命次請于冢宰衆務各以 小治謂天下諸侯令臣來聘或小諸侯來谷政事亦 王自治之小事則大宰聽决不以煩王也四方實容

煩

展置三歲則大計 華吏之治而禁賞之楷音 歲終則令百官府各正其治受其會聽其致事而詔王 率屬觀大宰治象之濟於天官之府乃頌行天下令一 宰之賛而後行事乃得其當也小治自决亦欲得當 釋曰歲終建亥月終也不言正歲者以有小宰正歲 合魚水相投斯明良遇而王道成矣 乃可以副王之託也相資以道相與以心故君臣道 大宰之任重矣故眠朝聽朝皆以賛王王固必待大

大户日本 AST

周禮全經釋原

THE THE 察置奏者退其我置者進其我此一歲之考也及三 會計以参互考日成以月要考月成以歲會考歲成 事致于大宰大宰受之令司會逆羣吏之治而聽其 年所治之事會大計也受其會則名屬以其所會之 以周知四方之治然後聽其所致之事以告于王詔 百司庶府六官皆在也正其治自考其屬以正其一 相備之義此言大宰考課百官而行誅賞也百官府 各於正月縣之故大宰不言正歲小宰不言正月互

17.00 mg 1.15 道之公也故大宰一職豈惟為臣所當知為君者亦 歲終省其成也一歲紹察置三歲大計誅賞順承天 月縣邊率百官與事也施邊待治執要以御天下也 歲則令天下大比邦國都鄙凡百官府皆會計羣吏 所以力於事功也 六典而下建立治道紀綱也正 者不徒置而又加地進爵考覈明而誅賞當此人臣 計乃行無除之典誅也者不徒廢而又加之罪賞也 而行誅賞之邊蓋歲終廢置所以脩舉廢墜三歲大 周禮全經釋原

到员四月 全書 考績之典非固止於稽績以進官也又非過其久次 德稱其位僥倖者無所容奸欺者不得逞而已苟德 成周則日有日成月有月要歲有歲會而察置行矣 以妨賢也不過欲以天下才治天下事使官稱其職 三年點炒以三考則九年矣在唐虞之邊可謂甚寬 原曰唐虞之灋三載考績三考點陟幽明故考績以 不可不知 三歲則大計而誅賞之其濟若甚密馬何哉盖聖人 表ニ 禁 小宰之職掌建邦之宮刑以治王宫之政令凡宫之斜 成周一歲廢置三歲誅賞者久任之意未嘗不存而 官句日即去可也德大任小匹夫卿相可也德小任 有虞三載考績九載點陟者考之未嘗不密也 大易不踰時可也是故任之不得不久而考之不可 稱其位才稱其職一世不易可也靡德胃位靡才鰥 不密任不久則功不能成考不密則實不能聚然則

ころいりまれるか

N.

周禮全經釋原

**到厅四月全書** 掌之后官者王后所居之六官內宰掌之內有女傅 寝五其外則宿衛之處有八次八舎之灋宫正宫伯 宰蓋天官者天子之相臣先掌王脩身齊家之事而 依以立者也官刑王官之刑罰也后官則路寢一小 掌王宫與官府八灋之目言建邦者亦建立邦本國 后及於治國平天下故宮刑與政令糾禁皆小宰掌 女官設女官八十一人春官世婦掌之亦無總於小 釋曰小宰貳大宰者大宰平章天下司其綱小宰專

**於定四庫全書** 禁氏曰小宰之職不亦重乎首曰建邦之官刑又曰 官中之職事官を人之屬內宰所掌之事則周人於 之猶司徒之掌六鄉司空之掌六遂者也政以正之 已掌其戒令糾禁宰夫正歲又以灋戒警羣吏令脩 正歲即屬觀治象之臺退以宮刑憲禁于王官夫在 糾禁兼行於后宮 令以約之斜以祭其失禁以止其那政令行於王宫| 王宫者百官府之次舍與士庶子之宿衛官正宫伯 思禮全經釋原

官政詳且密矣今小宰首掌王官刑禁何也曰天下 聽王命而制之以不共之大刑吾恐奇哀之習作溫 誅賞亦惟總其要耳宰夫惟警戒之耳宫正亦惟令 起居一有不飲皆足以害治雖大宰歲終廢置三年 風教未有不自王宮始也侍御僕從一有不正出入 怠之愈萌居王所者皆若而人則君隱必不能潜 治之以宫刑憲之以宫禁使之各脩職考灋待事以 其母去守耳宫伯亦惟令其作宫衆而已不有小宰

掌邦之六典八邊八則之東以逆邦國都都官府之治 Manual distr 執那之九貢九賦九式之貳以均財卸邦用 宰掌其或所以佐大宰治平用人之事也執守也均 **武之書也典演則所以治邦國官府都都者也而小** 其察實君心故怠之所由判君德隆替之所由基也 斜繆而格其非心也即然則宮刑之掌於小军其脩 釋曰逆謂迎受勾考使知功過之所在貳者掌其副 於密勿之中而吏習必妄肆於禁嚴之內誰與繩您 用禮全記群原

其飲散之政而小宰則執其貳而謹其出入之司非 原日太宰者天下之綱也小宰者大宰之目也大宰 大宰理財之事也 然司其大獨而己小宰實執其或而均之節之此佐 財使之得其平節邦用使之無過貴家宰雖制國用 施其意小宰行其邊故典邊則大字總其操縱之權 行其邊子大字有八柄八統而小字無之二者皆天 小宰則掌其成而考其功罪之當貢賦式大宰既制

到四日日言 此

其治三日以叙作其事四日以叙制其食五日以叙受 其會六日以叙聽其情 以官府之六叙正羣吏一日以叙正其位二日以叙進 釋曰以官府者本大宰以八灋治官府而言下五條 本原小宰行灋而已故不與也然則太宰小宰之職 職九兩而小宰無之二者皆調理萬民之事制治之 子操縱臣民之大權大宰韶之故不與也大宰有九 不居然可見乎

Can Do wat do Alo

周禮全經釋原

Z.

金万四届 有電 常矣正者整治之羣吏上士以下也位者别其品秩 皆言以官府者亦同乃詳八臺之目也六叙即八臺 者有職斯有事作猶起也事有小大緩急以叙作之 界尊者宜界平者宜詳以叙進之使不得干亂也事 有四職治要治凡治數治目之別位有贵贱治有詳 有上中下之别以次序正之使不得紊亂凌惜也治 則無關人蘇事也食稍食士之俸給也上士倍中士 之官常叙者官府次序之扶惟有序斯可執之以為

J. 10 ml 111 1 何也盖叙者官府秩序之常也凡事有叙則係理可 原日八灣以官常次於官聯之下小宰以六叙居首 聽其情而以情濟權之六叔尚無聽情則魚貫而進 之情者五叙之中或有情灋相礙不可以叙拘者則 衆職致事獻所會計功狀必以遠近尊卑為叙而受 中士倍下士下士與庶人在官者同禄故制食必與 可矣必有通融聽情之灋斯無室碍也 作事相應叙而制之者使其節原稱事也會者歲終 周禮全經釋原 里

我好四年全書 紊亂賄賂可以私行百官何所灋守而官屬官職 考也以叙聽其情則親舊賢能之故可原也不然則 六者皆亂尊早得以踰越功過得以相混簿書可以 事食不得以相浮以叙受其會則日旬月歲之要可 得而舉哉故不得不以六叔為首宰夫八職四曰旅 乎是故以叙正其位則尊甲不得以相喻以叙進其 尋而不紊常經可據而不排況於正羣吏而無叙可 則職事不得以相違以叙作其事以叙制其食則

禮大事則從其長小事則專達四曰夏官其屬六十掌 大事則從其長小事則專達三日春官其屬六十掌邦 事則從其長小事則專達二曰地官其屬六十掌邦教 那政大事則從其長小事則專達五白秋官其屬六十 以官府之六屬舉邦治一曰天官其屬六十掌邦治大 掌官常以治數蓋六官下士之多專為此而已七日 亦為此而已 胥掌官叙以治叙蓋衆職 胥役守其文書給其使令

七百里白雪 一

周禮全經釋原

掌邦刑大事則從其長小事則專達六日冬官其屬六 金少里是白星 十掌邦事大事則從其長小事則專達 **戴以主制一官之事者三人而已其屬謂宰夫以下** 至旅下士凡六十人也掌邦治謂天官一府長與屬 於一六屬者六官之屬必聽於長然後邦治可舉而 釋曰屬者連屬之義六官各有職職必有屬然後聽 共掌邦治之事也大事從長謂屬首上於長貮不敢 行也天官謂大宰一人小宰中大夫二人以為正與

達於王也故曰長治要而屬治繁六官皆同 漢以來皆謂合六官所統者為三百六十之數間有 專行也小事專達謂宰夫鄉師肆師士師遂師皆可 况六職之中政本所繁數不濟天官非代天可乎自 十屬非人為之私智也濟天運自然之度而已阜陶 原曰王者體天以為治故邊天以建官六官三百六 日無曠庶官天工人其代之凡官之設皆代天工也

大人 Publ Aitho / 周禮全垣釋原

不齊乃以已意移易以合小宰每屬六十之言亂經

金少正是人 屬不以六官之外所統也其曰天官則大宰少宰三 矣可以當六十之數乎所謂大事從長小事專達者 言掌邦治乎又所統之官有一官散而為千百者如 地官鄉大夫而下只六職合六鄉則有一萬八千餘 統言屬則膳夫以下庖人酒人及縫杂之職皆可以 邦治代天工之人也邦教邦禮刑政事皆然若以所 之原實起於此不知小宰之六十皆以六官之內所 人為長宰夫至旅下士六十人為屬則長與屬皆掌

無之後世不得不以吏胥補下士之數夫胥徒皆庶 大夫二十四人之意然每官上士八人中士十有六 專達否乎經文明言其屬六十是分毫不可增損也 人作經之邊也大唐六典分二十四司固得屬首下 若以萬有不齊之官而為此畫一不易之數又非聖 正而下只有六七屬六官微細之職皆有長屬亦得 亦為六屬之首言之也若以所統之長屬則天官宫 人則亦二十四人而止耳旅下士三十有二人則全

ACTONIBLE LILLING

周禮全經釋原

民以除盗賊六日事職以富邦國以養萬民以生百物 邦 以節財用二曰教職以安邦國以寧萬民以懷賓客 以官府之六職辨邦治一曰治職以平邦國以均萬民 日禮職以和邦國以諸萬民以事鬼神四日政職以 國以正萬民以聚百物五曰刑職以話那國以斜萬 明 下士之數乎今六官之中鮮端最深六十屬之說不 故也 在官役民為之漢一胥統十徒謂之什長可以當 服

重 豆匠 直書

諸起乙反 官府此正官府之事也平者各當其分之謂使之大 官定其守而百政自理矣六職與六典大同而小異 使之貧富賢愚各安其所而萬民均矣治莫先於理 小强弱不相侵凌而邦國平矣均者各得其職之謂 欲官府各定其職不侵紊也六職既辨則府定其局 釋曰上言官屬欲官府縣屬而定于一也此言辨職 六典以書言治之灋也六職以官言治之人也不言 問實全經釋原

致定匹庫全書 享是事之也服則使之順於王正則使之安於職九 為職者朝覲聘問不使有關是和之也冠婚喪祭射 貢出於邦國邦國飲於其民服之正之則百物可聚 鄉相見各有儀式是詣之也天神地祇人思各安其 行旅入其境皆有常餘以禮之實客有不懷乎以禮 使之與行而遵道則無乖爭之失萬民有不寧乎使 守也使之各循於理則無侵暴之事邦國有不安子 財會計財用而調節之治職之事也教職以教為職

原日恩觀於辨職益信司空之未當亡也遂人日掌 邦野榜人民授田野教稼穑非事乎頌職作事以令 土無游民此冬官之職乎 則邦國得其富萬民得其養而百物以之生矣無曠 教武由是以生百穀由是以足懿系由是以實倉原 矣問其曲直而加征討察其犯教而施刑罰所以刑 地衣食之事也是故正經界時耕縣田里安氓土宜 邦國與萬民也明濟禁戮奸惠盗賊除矣事職者土

NE Your Lister

問禮全經釋原

푸

多方四月全書 矣噫後儒以司徒為司田野司空為掌百工則辨職 司空之職考之六典辨職而合稽之序官六十屬而 為大司空之職而加於遂人之上分地官之半以為 所謂教所謂養而富而生果何謂哉 同放之六官無一事不通於條貫則六官完整如舊 職而知之何從而考之是故取大司徒土地之事以 以四達戒功事非生乎故遂人即小司空也不於辨 貢賦非當乎夫一墨田百 部非養子趣耕耨稱女工 卷二

CALIBRAT LILE 聯事三日喪荒之聯事四日軍旅之聯事五日田役之 聯事六日飲弛之聯事凡小事皆有聯 以官府之六聯合邦治一日祭祀之聯事二日賓客之 **起奉明水火之類是也實客謂太宰大朝觀會同赞** 宰賛王幣司徒奉牛牲宗伯既滌濯司馬差牛牲司 者皆聯事通職然後邦治得以會合而成祭祀謂大 通之以聯則五禮不行矣故官聯次之五禮事之大 釋日屬以官定職以事定然事有相因屬有大小不 周禮全經釋原 垂

荒謂大司徒移民通財宗伯殺禮行人賙委之類軍 賓客之事司徒令脩道備委積大司冠前王之類是 陳鄉師師民司徒舉旗虞人菜野之類敏民之賦弛 閱皆聯事也田所以簡衆役所以任衆也如司馬教 旅如司馬禁令大司徒以旗致民中春振旅中冬大 民之力如大宰九賦司馬司空制賦問師載師後賦 也喪謂大宰替合玉贈玉大司徒率聚庶鄉師治役 王幣王獻與小宰大宗伯大行人小行人掌客所治

多厅四周全書

ころこういく シュンラー 嘉皆王朝之大禮周禮每官必有聯職大史職日大 職之後小事有群如司關聯門市之類 事執書讀禮而協事是知大事為五禮其書為儀禮 原曰聯職也者聯其五禮之事也五禮有吉山賓軍 聯職所以行之者也夫祭祀者吉禮也喪荒者凶禮 者能者老者疾者此处之聯事也六官之聯皆具衆 也實客者實禮也軍旅者軍禮也而田役本在軍禮 此飲之聯事也均人掌均力政而鄉大夫則舍其賢 周禮全經釋原 五五

多分四库全書 事權雖分而不相離也合其聯而會其治則諸職相 舉而禮行不周大年舉其要故以官聯會官治小宰 通而不相混也邦治成馬大禮大事舉馬故不觀瞬 官不分則侵官都局而體統不立職不瞬則大事不 治其詳故以六聯合邦治是故分其職而率其屬則 職何以知儀禮之所亡哉 則事之大者故特見馬是六聯之行五禮者審矣夫 以事大故分之嘉禮亦在賓禮以事小故合之飲弛 卷二

質劑八曰聽出入以要會改音在傳音附 ここびま カニア 職 田 日聽禄位以禮命六曰聽取予以書契七曰聽賣買以 以官府之八成經邦治一曰聽政役以凡居二曰聽師 萬民之治也聽循聽治之聽上接下之解即治官之 賦也役徒役也比居以民居比而列之立五家為比 治字卷經理之非聽訟之謂也政力政也字從征謂 釋曰此即大宰之官成立民間八事之定灋以經理 以簡稽三曰聽問里以版圖四日聽稱責以傳別五 周禮全經釋原 别 査

銀 庆四年全書 其演見逸司馬言欲理民師田之事則以司馬簡稽 事則令其行此民居之濟師用衆以征伐也田四時 三人步卒七十二人四分當兵之數發其一分之强 任者家二人一為正卒一為羨卒起徒役無過家一 之田獵也簡選也稽計也簡稽之濟如一家五人可 五比為問凡起徒役無過家一人言欲理民征役之 之灋起之二十五家在鄉則為問在遂則為里皆有 人若行師又以司馬灋簡稽之甸出長穀一乗甲士 卷二 た<br />
と<br />
写<br />
に<br />
と<br />
ら<br />
に<br />
と<br />
に<br />
と<br />
に<br />
と<br />
に<br />
と<br />
に<br 爭也位定而後禄之此禄位也鄉遂之長進秋則有 其所償傅著也著約信於大書别而為兩兩家各得 里之形於圖藏之官府凡民訟則以比居之圖正之 及大比與賢能以鄉飲酒與鄉射之禮禮之進其書 田禄以益之官田宅田上田是已禮命者月書季考 地訟則以地形之圖正之也稱謂償之以物責謂责 巷巷首有門門側有塾版圖者古人以版為策畫閱 也言欲理民貸責之事則先為傅别之灋使之不 周禮全經縣原

鄭云月平價也劑券書按質人成市之貨賄賣買者 券各藏其一此則民係於官故必從其有司書之於 之即泉府官飲市之不售者貨之帶於民用者買者於王然後命之以禄位也取予者取之於官而官予 質劑馬想古者貨賄入市必先令質人成其價揭 契然後與之質刺即司市質人之事質成也平也先 除者都鄙從其主國郊從其有司皆書於契然後子 之是也此與稱責異者稱責民自相借貸故令為两 之即泉府官飲市之不售者貨之滯於民用者買者

書以示人使賣買者不得爭價随時高下月必更之 民日出民輸於官日入即於師春須秋飲之事歲計 長者割短券不知賣買之時何用券書且質字豈可 故曰月平大市則質人平其價而立券小市則依揭 日會月計日要皆計薄也領與飲皆以官之計簿考 以長恭訓之哉然則質劇者乃質平之劑也官給於 依官揭與恭而斷之故曰以質劑結信而止訟舊說質 示而賣買馬改五尺之童適市而莫或敗也有爭則

死亡四市全吉 八

周禮全然保府

易馬不能無喪難之急也設泉府於國以聽其縣係 馬不能無貧乏之可路也立旅師於野以平領其與 為稱貧馬不能無以瞻補不足也立司市而聽其交 田禮命而後進禄位圖成而後正間里則教養無舉 原口八成也者制為成濟使民遊行而後經理之即 而民定矣大本立矣不能無有餘不足也而使之相 鄉遂之海也是故比居而後起征役簡稽而後出

死亡四市公告 日康敬四日康正五日康濟六日康辨 以聴官府之六計弊羣吏之治一曰康善二曰廉能三 專言官成以待為民之治何耶益又為典濟則之本 我首以八成為聽訟之具也則大宰典應則之下又 然後布於司徒司空使行之六官之設何者非為民 積馬八成設而民業定馬定分明馬役政均馬禮数 行馬忠信立馬恩澤溥馬大宰司其網小宰詳其目 月禮全經經原

是守職無侵者辨者斷决分明之意才識明敏臨事 而無傾邪者此二者長於德行之吏濟能恪守官濟 操持不尚才能不及而立已嚴潔者正者特立持正 民者六計以德為首能有才藝而事功及民者敬者 之月書季考歲會皆所以康之也善謂循良有德及 六者以斷羣吏之治康察也大宰之大計小宰宰夫 釋曰聽平治也弊猶斷也平治八邊治官之計有此 不惑也此二者長於才能之吏以此六事廉察之則

ここの見とかず 善之目以廉之哉故賈誼曰上設禮義康耻以御其 考其德行才能將以界之職而神於治也司冠以斜 過為事故有官刑而日上能糾職其目見於士師之 則不可任職矣治官以用人為職者也豈可先立不 惡不相混故小字康善士師斜惡而分考之夫無善 吏之賢能見矣 原日六計康善不康惡何也日冢宰以與治為事故 八成皆所以行大宰官刑之事者也古之考百官善 周禮全經釋原 五九

· 多元四四日書 以灣掌祭祀朝觀會同屬客之戒具軍旅田役喪荒亦 德行之實也靈與辨察其治官行屬才能之實也教 故吏以德行為上才能次之敬與正察其立身行已 待人以君子長者之道居其厚不居其簿之意與是 其德職必當其位可知矣 此也故觀小宰之六計則知成周用人之灋才必稱 不出乎德行道藝用不離乎賢德才能故考之亦以 臣臣不以節行報上者非人類也此亦小宰之六計 卷二

|如之七事者令百官府共其財用治其施舍聽其治訟 火主四事 全事 一 周禮全經釋原 諸侯會同征伐無歲無之然其兵食資用皆取給於 宰於戒具不言灋道揆之任也共財用者國用家宰 制之故七事皆小字令百官府共之施謂施恩惠舍 林氏曰三代之政未當有轉輸漕乾之文春秋列國 訟皆自聽理之事舉其要而已 謂舍而不用爭其事之謂訟聽其訟之謂治施舍治 釋日灋五禮之濟度也戒謂飭其事具謂備其物太

凡祭祀賛玉幣爵之事裸將之事凡賓容賛裸几受爵 泉雖門關郊里野鄙之問皆有委積故能隨用取足 是也至秦欲攻匈奴使天下之民飛輓獨栗轉輸河 師還自召陵申侯請道出陳鄭之間共其資糧扉優 北率三十種而致一石漕運之盛蓋與於此惡足為 也故小率會同軍旅令百官府共其財用而春秋齊 治世灋哉

チラレルノニ

所過之國亦未始有飽飽之役凡以農功脩而栗帛

之事乃受幣之事喪荒受其含襚幣玉之事 宗伯攝王為之小宰賛之王不裸賓客而有受酬故 宗廟之祭王酌以獻尸小宰將而送之也賓客之禄 **宰助王亦謂之赞也酌鬱色以獻尸謂之禄言灌也** 釋曰宗廟之祭有禮神之玉幣獻神之玉爵則從大 於王以授小字蓋裸則佐宗伯受爵受幣則佐大字 凡受爵受幣大宰於賓客處受之以授王大宰又受

たこうりま なんち

也實口日含衣服日遊山荒有幣王者實客所賙委 周禮全經釋原

卒二

則令羣吏致事 月終則以官府之叙受羣吏之要賛冢宰受歲會歲終 **绝故小宰賛之若此類所謂序事也先王量德受任** 尊於鬯故大字赞之鬯則大宗伯賛之裸将又早於 之禮 因任受職此序事所以辨賢也 會一歲之大計則賛冢宰受之也每歲終則令六官 釋日叙即六叙也月要每月之小計則小宰受之歲 程氏曰天地用玉幣交神明而不裸則玉幣 た日日日本 者國有常刑 正歲即治官之屬而觀治象之濟狗以水鐸曰不用濟 釋日正歲十一月建子之朔也周改歲於建子故稱 之事 行於天下至正月之吉縣於象魏令天下各以是日 正歲改歲之朔耳目一新大宰斟酌一年之治濟此 各齊一年之功狀致於家宰以待考也事小宰考計 日縣於天官之府小宰乃帥治官之屬往觀之乃頒 周禮全經縣原

金万里万人 乃退以宮刑憲禁于王宮今于百官府日各脩乃職及 乃濟待乃事以臨王命其有不共則國有大刑 金口木舌古者将有数令必擊水鐸以警衆使明聽 蓋以改歲言故曰正歲以始月言故曰正月鐸鈴也 縣之行新令也先儒以正歲為建寅正月不知此耳 也不用濟者謂官屬有違治象之濟者以國刑施之 釋曰乃退者觀治象而退也官刑即建邦之官刑也 不汝敢此警衆之辭也 卷二

故也 重於常刑以王宫深嚴之地故制刑加之治家貴嚴 府觀之也又令以戒之使各脩其所治之職蓋官中 治其家者安有專賴之失哉不共謂犯刑禁也大刑 作之事以聽王之命令蓋小宰之戒飭乃於王命以 之人各有職業無遊別者各及其所事之憑以待所 謂表縣之禁謂止絕之以官刑之禁縣之使官中官 五刑掌於司惡官刑獨小宰掌之以總治王宫也憲

CANDING ALLE

周禮全經釋原

华三

金分四月百是 鄭氏諤曰或問小宰宰夫推廣大宰之屬而聳動誓 筋百官府之治矣令而復掌王宫何也曰先王之制 明百工稱職而不敢不勉者盖本諸此 敢易紀律者蓋嚴冢字也夫是以君幸尊嚴朝廷清 操其柄而小宰則治其結禁凡小宰之所聽所弊所 所以貳小宰也故冢宰掌其典而小宰即其聴冢宰 刑雖非冢宰所自為而百官之所以聳動警飭而不 陳君舉曰小宰之職蓋武冢宰以掌邦治而宰夫又 \*

於二而總於一自今考之曰建邦之宮刑曰治王宫 過掌宫中徒役之事子弟宿衛之職與夫官府之在 伯内宰皆隸于大宰職雖列於外而通於內權雖分 統而權亦不能相臨統而臨之惟大宰馬故官正宫 左右者耳其於徒役有衛人不相關職既不能以相 過以禮教王后夫人與九嬪世婦凡女官奄人之在 内者耳其於后官則無所預內宰雖曰掌王內又不 事權欲合於一而內外本不容分也蓋宮正官伯不 周禮全經釋原

**大定四車全害** 

有戒則王宫后宫無不在所掌也自其掌王宫也則 之政令曰憲禁于王宫曰令脩宮中之職事婦掌女 女宫之别詔其禮樂正其服位禁其奇裘稽其功緒 其掌后宫也則六官六寢無王后之限九嬪九御無 之好用財用之司存皆領之其間多寡豐約用舍去 次舍幄帝供奉之人皆領之官禁之秘藏王后世子 兵衛郎衛凡宿衛之人皆領之飲膳衣服洒掃於閉 取天子始不得以自私而小臣始不得以自便矣自

CELTIME ALL 之位掌其禁令叙羣吏之治以待賓客之令諸臣之復 宰夫之職掌治朝之濟以正王及三公六卿大夫羣吏 宰之典邊始可以治天下矣 官刑既已齊其家宰夫之朝灋又以治其國然後大 平者大宰之治所以無總內外而小宰為始小宰之 其間损益增減採擇進御而無侵竊感移之患矣益 世未有家不齊而國可治者未有國不治而天下可 周禮全經釋原 文

辛替聽治而宰夫掌其濟正位者立朝廷尊甲之位 萬民聽政之朝也小司起朝士掌馬王既治朝則家 司士掌之宰夫斜其不如儀者治朝之位王南嚮三 朝也大僕小臣掌馬一曰治朝在路門之外王日聽 釋日宰夫六屬之首天官之及也及者蒙實督察之 治之朝也宰夫司士掌馬一日外朝在庫門之外詢 任朝有三一曰燕朝在路門之內王國宗人嘉事之 公北面見朝士職濟以止之曰禁灋以使之曰令此

金方四五 百章

悬二

周官 戒令也上有所令而下有所報言謂之復上無所令 肅朝儀也叙羣吏之治即下徵令辨其八職是也令 則無內陵之患待賓客有其令則無外海之憂羣中 原日宰夫之設朝廷紀綱之司也故正朝位有其濟 之治得其取則紀網脩明職業必勉矣臣民復逆得 而下有所啓請謂之逆循漢之尚書典奏章報告是 按三公無職以六卿兼之其位見於此其職見

**尺色日草 白雪** 

月禮全經釋原

一曰師掌官成以治凡三曰司掌官灋以治目四曰旅掌 官常以治數五日府掌官契以治藏六日史掌官書以 |替治七日骨掌官叔以治叔八日徒掌官令以徵令 掌百官府之徵令辨其八職一日正掌官屬以治要二 釋曰百官府合六官所屬及天下之官府也徵名也 其通則明目達聽君門無壅矣此宰夫所以操振肅 辨分辨也辨百官府之所職掌以備百官徵召命令 之權而為天下之耳目也

A K. Ja unt Liklo 大書案斷之數然則放者如今六部都吏司吏之類 官之下士他官無旅也官常官府秩序之常灋數如 蓋斟酌八灋之條件故曰目非八灋也旅衆也謂六 者合衆目者也謂庶務也貳則治其繁司屬官之長 也以主職為義官濟謂每年頒行之濟縣於象魏者 師謂官府之貳以教師為義官成官府之成灋也凡 者綱要也官府之長只掌其本職官屬之綱要而己 也正謂官府之長以中正為義灋官府之八濅也要 周禮全經釋原 主

舉用之如孔子會為委吏乘田之類府史之賢亦命 藏蓄積有官府必有貨財有貨財必有書契故設府 令其起草也此必道藝之選有文學會教養者然後 皆下士為之非今之胥吏也府藏財貨之屋契符契 以官胥徒則役於民賤役也不才則去之胥有才智 史書者官府通行文書也赞佐也佐治者若今文書 之稱官叙官府所行之次序規矩也設胥以給官府 以司之此則庶人在官之長者史理文詞能述事曰

會之有元如身之使臂臂之使指天下之大感之而 府史道藝之選胥徒役民為之八職既辨統之有宗 胥徒庶人在官治於人者也然府史則不與胥徒同 原曰自要而凡自凡而目自目而數治人者也府史 之役今之皂役也 官府之命令徵名也令使也盖趨走應若官府命令 之於民者按胥即堂上之徒徒者役名之稱官令謂 治事務次序之役此為徒之什長漢一胥管十徒役

大王日里在時

周禮全經釋原

善物者賞之辟音 掌治灣以及百官府奉都縣鄙之治来其財用之出入几 失財用物辟名者以官刑詔冢宰而誅之其足用長財 金罗豆匠人 立灋以考之則吏治無由而知大宰出灋以治之者 制治者灋也行灋者吏也吏有勤怠則治有善否非 鄉遂之官府言聲都縣都以在野之官府言 釋曰治濟治吏之濟式也考稽督也百官府以王朝 通動之而應事無不舉矣 王氏曰

其所藏之財賄則謂之失財非所當用而用之則謂 物而假其名者也官刑所謂邦盗邦誣也足用用無 不足長財所用有餘善物美而精級故語家宰以行 之失用所失之物非貨賄則謂之失物辟名謂非其 此欲知其失財用物及足用長財善物故言乘之失 之謂會欲知其總數則宜會欲知其别數則宜乘今 猶計也王氏曰以一二三四乘之謂之乘總會其數 也小宰執灋以逆之者也宰夫循灋以考之者也乘

Children Like

周禮全經釋原

金与正是台書 去聲強音孫後做此為及積子四及飲食並 禮事於小宰此官府之具凡朝親會同賓客以牢禮之 **濟掌其牢禮委積膳獻飲食賓賜之狼牵與其陳數於委** 以式邊掌祭祀之戒具與其薦羞從大宰而脈滌濯凡 皆有常演式者大宰抵滌濯而宰夫從之禮事五禮 考數實如此 其誅賞宰夫冢宰之考也故凡用人理財之事必搭 釋日灋式祭祀之式也為薦脯醢也羞庶羞也凡此 卷二

ここうこ 食始至則有豫率質之後奉則有司所供賜之後幸 則王所好賜此言熊賜廣客掌其物又掌其數也 熟物齊和者獻謂新物始獻者飲食燕饗也食熟食 夫替比之牢禮之瀘總言其綱也掌牢禮以下詳言 陳多寡之數實客未至則有委積已至則有膳獻飲 也如大行人發五牢之類牽牲可牽而行者陳數所 其目也牛羊豕共為一年禮委積調米禾新夠膳謂 之事比較次也小宰七事令百官府供其財用而宰 シュラ 月 西全経釋原

而治之 職喪帥官有司而治之凡諸大夫之喪使其旅帥有司 凡邦之事事掌其戒令與其幣器財用凡所共者大喪 小喪掌小官之戒令帥執事而治之三公六卿之喪與 后世子之喪也小喪夫人以下之喪也小官士也宰 **罗而含酸葬而開贈其問加思厚則有轉馬大喪王** 也凡所共者凡喪所用者皆共其財用也凡喪始死 釋曰事事形諸侯及臣也幣用以轉也器所致明器

多定四年全書

卷二.

歲終則令奉吏正歲會月終則令正月要自終則令正 日成而以及其治治不以時舉者以告而誅之 歲計日會謂一歲會計大書總勾考之月終每月之 終也月計日要十日為自終滿十日也歲計月成安 釋日此考治官之屬辜吏之治也歲終每歲之終也 帥有司治之尊甲之體各當其分如此 之喪則與職喪師有司治之大夫之喪則使旅下士 夫事其戒令治共辨其事也旅冢幸下士三公六纸 周禮全經釋原

致定四庫全書 · 是無一日而可廢放歲終廢置是無一歲而不勸懲 李氏曰先王之所以課吏者如此其密也日入其成 卒伏其辜宜乎天下之無不勸勉愧恥也 夫令辜吏各正其歲會月要日成為書上之以考其 三年有成則申之以誅賞有功者驟獲其利無功者 外屬則歲終上其會宰夫受而考之 則成周考課何其嚴也蓋本屬則旬月上其要鄉遂 治否違令而廢事愆期者告於家宰而誅責之觀此

其良者而以告于上 正歲則以灋警戒羣吏令脩宮中之職事書其能者與 Called Like 考之濟即治官刑之濟度警謂懲之以言戒謂東之 釋曰此警戒及察宮中之官府盖小字總其要宰夫 衛者則官正斜其德行教之道藝是也諸子又春合 諸學秋合諸射其数不出乎三物也王內則內宰置 則理宫中之庶務宮正稽其功緒是也其士庶子宿 以事正欲其脩宮中之職事也宮職宮伯掌其徒役 周禮全經釋原

金 元 四 年 全書 有道藝者與其良者謂有德行也其百官府亦以賢 府於六官之外官卿則置府於六官之內皆小宰宰 夫掌之是以小牢領其教宰夫考其成書其能者謂 能二端及之不言賢能而日能良者蓋廉奄人女奚 書其功狀以進小宰小宰告于大宰大宰告于王而 與官中女官及凡縫泉之職不言告王而言告上者 行舉用誅賞之典也 原曰治外易治內難外之百司庶府所懼者天子之 悬二 とこり 自然 莫政易紀律者以濟在也然宰夫又不得自專也而 植德學道以聽避舉矣孰有女惡內侍轉其和諛傾覆 馬別官府之中漂乎天子之嚴處惟恐不脩職考濟 内八柄所存也至於宫中之官府則固近天子之光 之枝於其問哉此宰夫所以尊嚴隆重而百官內外 之或不動也又書其良者能者以告于上而行誅赏 日侍天子左右也又以濟警戒宫中之庶職然徒警 而有深切感移之機矣今觀牢夫既掌治朝之濟固 月禮全经釋原

金万四月石書 無為以守至正而已然則官中府中又安得不一體 屬之小宰小宰則總內外百官府之網而治其刑賞 否矣有志欲行先王之政者必以宰夫小宰之宫政 媚左右以求容者亦勢所必至本馬既亂而末治者 科禁者也小军人不得而專之也所以調變之者又 而天子無私人矣後世天子大內相臣不得與聞所 存乎大幸馬是其體統相維共効忠悃而王則中心 以俗身齊家天下大本一切付之布人至使大臣及

Print Digitality ■ 周禮全經釋原 官正掌王宫之戒令斜禁以時比宫中之官府次舍之 亦如之辨內外而時禁此方季及称吐 衆寡為之版以待夕擊杯而比之國有故則令宿其比 糾禁乃宫正之大權也時四時也比校比也官府之 以備非常左右之不正無以謹近習掌王宮之戒令 其緩散令之使有為禁之使勿為夫侍衛之不嚴無 釋曰官正掌王宫之宿衛者戒謂戒其怠忽斜者斜 始馬

金与日子子 |精其功緒斜其德行發其出入均其稍食去其沒急與 官自維門內以至燕寢為內自維門外以至外朝為 夜以比直宿者為其有懈怠離部署也故謂禍災也 令宿宿衛王宫也亦如之擊桥以上之事辨內外王 待休沐也皆校比其人之衆寡及在否置版以籍其 在宫中如膳夫內宰之屬次所以待直宿也舍所以 外辨謂分其內外之人禁謂禁其非時出入 人之名以待戒令也夕莫也标戒守者所擊也入行

次定 四事全事 周禮全經釋原 其奇家之民會其什伍而教之道藝新所 時內有六宮外有三朝凡治朝之官宮正掌之凡禁 廪也蓋察宿衛羣吏之出入與均頌羣吏之禄食也 有多寡故稽之德行有勤怠故斜之也幾察之於微 天官惟宮正內宰獨言均其稍食它有司不言者周 也若關人云喪服凶器不入之類均平領也稍食俸 身之所存為德見於行事為行即六德六行也功緒 釋曰稽猶考也計也與事造業為功功事有倫為緒 とする

なりせんと言 去之内外之辨豈不嚴乎什伍者五人為伍二伍為 帥而入于宮之内以治之暮則出而歸于次有衰者 府次舍列于外六寝六宫列于内有公政與徒役則 什會之者亦以什伍之灋編列之使之輩作輩學相 之家人與為徒役之事者蓋禁中內外之别至嚴官 活放濫也怠解慢也奇異常也衰不正也民宫中吏 中之官內宰掌之故康禄之多寡總計其數付與二 人使自分授之故羣吏自均平不待於持暴打請也

たとり見る言 月終則會其稍食歲終則會其行事凡邦之大事令于 與徒役之衆庶也故王宫之教雖有三等然不出乎 勸率且寄宿衛之令道藝即六藝以其皆道之所存 庶子公卿大夫元士之適子諸子之脩德學道則教 教王宮與萬民無異也但師保三物之教則教王子 也敌日道藝上大斜其德行此教之道藝則三物之 三物矣 公族之人宫正之德行道藝則教官府衆吏之家人 周禮全經釋原 ナナン

禁八邦之事碑宫中廟中則執燭大喪則授廬舍辨其 金罗里屋台書 親疏貴賤之居 王宫之官府次舍無去守而聽政令春秋以水鐸脩火 客君人之仁也事君先其事而後其食人臣之義也 職業歲終會之以大幸受其歲會也王氏日稍食以 釋日吏之廪禄月終會之以小宰受其月要也吏之 月會行事以歲會疏數不同者養之者詳而責之者 人臣致其義而下不致於慢事而廢職君人致其仁

夫居處士居至室辨者禁其散亂等其次序親者貴 戒思患而預防之者也避躁止行人以禁證詳也意 時以水鐸警衆使係火政先王因天時以謹人事之 常也大星以二月見於辰九月伏於戊即其出入之 中則司其雖與燭所以共衛護盧倚廬舍至室也大 燭為明以防不虞也蓋宮正從王以出行或宮中廟 則不不至於日陵而無耻大事祀與我也無去守使 之皆在次舍不得去離所守而頌其政令所以待非

C. この1日 Aily 月被全担辞原

金岁已是人 者居廬疏者联者居舍 梁氏曰侍御僕從之官朝夕近於王者也尚非常德 然後王心無為以守至正而朝廷百官萬民無不正 幾淫称之去其防之嚴矣而无必曰教之道藝何用 之士方正之人則阿徇逢迎沮善長惡何所不至宫 心之切哉必使左右近習之人皆親儒生以成德行 正所以職於內外之辨功緒之稽德行之斜出入之

作其徒役之事授八次八舍之職事 官伯掌王宫之士庶子凡在版者掌其政令行其秩包 甲先王所以待貴臣庶子者猶如此況世胄乎版名 官之士庶子者王族與功臣之世賢者及公卿大夫 釋日伯長也以其掌公卿大夫之子弟故曰宮伯王 士之庶子王以其自近而衛馬故安危一體休成一 王宫者宫伯掌其政事諸子辨其等正其位教以車 心即諸子所謂國子之体是也盖此士庶子乃宿衛

**東田事全書** 

周禮全經釋原

邦有大事作宮衆則令之月終則均秩歲終則均叙以 籍也以版書之政令上所正者為政下所禀者為令 子而致於太子惟所用之者也次宿衛所在舍休沐 衛用衆之時也宮伯作之諸子亦謂國有大事即國 扶謂依班秩受禄氣謂依才等之先後徒役之事宫 比皆謂之職事也 所在八者環列八方以衛宸居乃子弟分授之或居 四角或處四中各任徽候之事亦使之脩德學道於

た<br />
と<br />
り<br />
を<br />
と<br />
の<br />
を<br />
と<br />
の<br />
に<br 時領其衣裝掌其誅賞 衣者當思所以懷人之憂先王豈徒衣食之哉亦使 也官正尊故主會官伯果故主均以時冬夏也頒布 給故月終均之才等之叙以歲成故歲終均之均平 行則官伯戒令而統治之也扶叙者班秩之廪當月 釋曰大事如國有惡戎之事起官中之衆使士庶子 也夏颁衣冬颁裘有功則賞有罪則誘皆官伯掌之 王氏曰食人之食者必思所以死人之事被人之 周禮全經釋原

官正則掌其戒令斜禁此百官府之衆寡官伯則掌 禁氏曰宫正宫伯掌王宫者也在王宫者百官府各 有版士庶子亦有版官府有次舍士庶子亦有次舍 其教令秩序而授士庶子之職事此皆即衛也太僕 國子者固有道矣此所以用於宿衛則無間之可乘 用之於守固則無患之弗禦而安危一心矣 之有以充其責故也夫衣裘之頒所以示其仁誅赏 之行所以示其義仁以親之義以制之先王所以治

抵朝則在路門之右虎 黄氏掌之而旅黄氏屬馬比 驅眠朝則在路門之左太僕掌之而小臣御僕屬馬 衛也王眠朝則前正位而退王出入則自左取而前 則司士正其儀大事則諸子掌其政此居守環列之 有四卿大夫士之官吏在宫中而直宿者宫正掌之 此僕從侍御之衛也虎士八百人先後王超以卒伍 卿大夫士之庶子在宫中而入衛者宫伯掌之脈朝 司隸虎賁所掌乃兵衛也蓋天子之衛有二而其别

大百日里 AST

周禮全經釋原

全

奔趨先後之衛也居虎門之左使其屬率四夷之禄 聯屬馬然而居守環列之衛天子所恃以為腹心者 其任專是必稽其功緒而斜其德行會其什伍而教 防健附之衛也宿衛之别四而郎衛兵衛二者常相 各以其兵服守王門之外師氏掌之帥四程之隸使 也居王之左右前後則其地密備王之顧問應對則 服其邦之服執其邦之兵以守王官司隸掌之此周 之道藝所以勸之使為善也辨其內外幾其出入去

金岁四是石雪

選哉士庶子之在版者皆卿大夫士之子弟有諸子 其淫怠奇夷所以警之使不為惡也均其稍食會其 行事使無關禄廢職則居王所者孰非德行道藝之 考之成材者有司梁以合之官伯惟均其秩叙頌 及遠遠賞而已則在八次八舍之列者熟非端人

到月四月 台書 周禮全經釋原卷二

. . . . . .